

Skagahreppi. Nú er ekki um neinn umsækjanda eða styrkþega að ræða, er uppfyllir framangreind skilyrði, og má þá veita styrk úr sjóðnum efnilegum umsækjendum öðrum, sem heima eiga í Skagahreppi. **100**  
10. júní

## 4. gr.

Stjórn sjóðsins er í höndum hreppsnefndar Skagahrepps undir eftirliti sýslunefndar Austur-Húnavatnssýslu, og skal hreppsnefndin ávaxta hann í Sparisjóði Húnavatnssýslu, eða á annan jafn tryggan hátt.

EKKI MÁ ÚTHLUTA ÚR SJÓÐNUM FYRR EN HÖFUÐSTÓLL HANS ER ORÐINN KR. 20000.00 — tuttugu þúsund — og má þá verja  $\frac{3}{4}$  af vaxtatekjum hans til úthlutunar. A. m. k.  $\frac{1}{4}$  vaxtanna skal leggjast við höfuðstólinn árlega, svo og það fé, sem ekki er úthlutað árlega.

## 5. gr.

Leita skal staðfestingar Stjórnarráðs Íslands á skipulagsskrá þessari.

Þannig samþykkt á aðalfundi sýslunefndar A-Húnavatnssýslu, 3. maí 1960, samkvæmt tillögum hreppsnefndar Skagahrepps í samræmi við ákvæði arfleiðsluskrár.

Skrifstofu Húnavatnssýslu, 30. maí 1960.

Guðbrandur Ísberg.

## REGLUGERÐ

### um löggæzlu á almennum skemmtisamkomum í Suður-Þingeyjarsýslu og Húsavík.

**101**

13. júní

## 1. gr.

Almennar samkomur má ekki halda á samkomustöðum í Suður-Þingeyjarsýslu (sveitum né kaupst.), nema að fengnu leyfi sýslumanns Þingeyjarsýslna eða bæjarfógeta Húsavíkur. Skal hann jafnframt ákveða hvort löggæzla skuli vera á skemmtisamkomunni. Forstöðumenn slíkra skemmtisamkvæma skulu sækja um leyfi til skemmtanahalds eigi síðar en 4 dögum áður en halda skal.

## 2. gr.

Dómsmálaráðherra getur að fengnum tillögum sýslumanns löggilt einstaka löggæzlu menn, er skulu hafa eftirlit með skemmtunum, hver á sínu löggæzlu-svæði.

En löggæzlusvæðin eru þessi:

1. Húsavík og Tjörneshreppur.
2. Reykja-, Aðaldæla- og Reykdælabreppar.
3. Skútustaðahreppur.
4. Bárðdæla-, Ljósavatns- og Hálsahreppar.
5. Grýtubakka- og Svalbarðsstrandahreppar.
6. Flateyjarhreppur.

Löggæzlu menn skulu, er þeir hafa fengið tilkynningu frá sýslumanni (eða bæjarfógeta) um að skemmtun með löggæzlu hafi verið leyfð á þeirra löggæzlu-svæði, mæta á skemmtistaðnum, er skemmtun á að hefjast og dvelja þar, þangað

**101** til henni er lokið og mega þeir eigi fara af staðnum fyrr en húsum þeim er 13. júní skemmtun var haldin í, hefur verið lokað og samkomugestir farnir af staðnum. Ef löggæzlumaður hefur forföll svo að hann eigi getur mætt á skemmtun, er honum heimilt að fá annan til að annast löggæglustarfið. Löggæzlumanni til aðstoðar á hverju löggæzluvæði, skulu tveir menn löggiltir vera, og getur hann kvatt þá til aðstoðar, er hann telur þess þörf. Þeir einir geta verið löggæzlumenn, hvort heldur aðalmenn eða aðstoðarmenn, er fengið hafa fræðslu og þjálfun til starfsins.

### 3. gr.

Löggæzlumenn skulu halda uppi reglu á skemmtunum, er þeir hafa eftirlit með, og er þeim heimilt að flytja burtu af skemmtistaðnum þá menn, er óspektum valda. Auk aðstoðarmanna sinna hinna löggiltu geta þeir kvatt sér til aðstoðar við að halda uppi reglu, forstöðumenn skemmtunarinnar og þjónustumenn hans og aðra borgara.

Ef löggæzlumanni virðist ölvun á skemmtun ætli að verða lítt þolandi er honum heimilt að slíta samkomunni, og er þá öllum samkomugestum skylt að fara út úr húsum þeim, sem skemmtunin er haldin í og skal þeim húsum lokað.

Leiki rökstuddur grunur á að áfengi sé selt úr bifreiðum á staðnum eða á annan hátt, eða í námd við staðinn, er löggæzlumanni og aðstoðarmönnum hans heimilt að leita áfengis í bifreiðum þeim, og rannsaka svo sem nauðsyn krefur.

Að lokinni skemmtun skal löggæzlumaður, ef hann telur sig sakir ölaði manna eigi hafa getað haldið uppi fullkominni reglu á skemmtuninni, gefa sýslumanni skriflega skýrslu um starf sitt. Skal hann tilgreina nöfn þeirra manna, er verið hafa ölvæðir á skemmtuninni og sem eigi hafa hlýtt fyrir mælum hans. Skal hann lýsa ölvun þeirra, tilsvörum, háreysti og handalög málum, er kunna að hafa orðið.

### 4. gr.

Sýslumaður (bæjarfógeti eftir atvikum) gefur út erindisbréf handa löggæzlu- mönnum. Skulu þar settar reglur um hvernig þeir skuli haga störfum sínum. Löggæzlu mönnum öllum skal láta ókeypis í té einkennishúninga og einkennishúfur.

Séu gerð spjöll á einkafatnaði löggæzlumanns eða aðstoðarmanna hans, er þeir sinna lögreglustörfum, skal ríkissjóður bæta þann skaða, ef hann eigi fæst bættur á annan hátt.

Ríkissjóður annist slysatryggingu allra þessara löggæzlumanna.

### 5. gr.

Löggæzlu mönnum skal greiða þóknun fyrir starf þeirra, 400.00 kr. fyrir skemmtun hverja, er þeir hafa eftirlit með. Aðstoðarmönnum þeirra skal greiða 300.00 kr. fyrir hverja skemmtun. Þeim skal öllum greiddur ferðakostnaður að og frá skemmtistað, eftir samkomulagi eða eftir reikningi. Á Húsavík tímakaup samkv. taxta.

### 6. gr.

Sýslumaður skal, þegar hann sér ástæðu til, eða samkv. óskum félagssamtaka í sýslunni, kalla forstöðumenn samkomustaða í sýslunni og í Húsavík, saman á fund. Á þeim fundi skal rætt um á hvern hátt þess verði bezt gætt, að skemmtanir þær, er haldnar verða í héraðinu á því ári fari sómasamlega fram. Á fundi þessum skulu og löggæzlumenn mæta.

### 7. gr.

Ef fundarmenn á fundi þeim er greinir frá í 6. grein verða sammála um að nauðsyn beri til að setja reglur um útilokun þeirra manna, er sannir hafa orðið að sök að valda spjöllum á samkomum, frá því að sækja skemmtanir í héraðinu, skulu forstöðumenn samkomustaða, þeir er fundinn sækja, tilnefna tvo úr sínum

hópi með fullu umboði, er ákveða skulu með sýslumanni, hverjum þeirra manna, **101**  
er löggæzlumenn hafa í skýrslum sínum tilgreint að hafi hegðað sér ósæmilega á 13. júní  
skemmtunum, skuli bannaður aðgangur að skemmtunum innan héraðs, og um hve  
langan tíma.

#### 8. gr.

Skal sýslumaður, er honum hefur borizt skýrsla löggæzlumanns samkvæmt  
3. grein, kveðja þá tvo menn úr hópi forstöðumanna samkomustaða, er um ræðir í  
7. grein, á fund og skal hann þá ásamt þeim, eftir að þeir hafa kynnt sér skýrslu  
effirlitsmanns og skýrslur fyrir sakadómi, ef fyrir hendi eru, ákveða, hvort mönn-  
um þeim, er löggæzlumaður telur, að hafi hegðað sér ósæmilega á skemmtun,  
skuli bannaður aðgangur að skemmtunum innan héraðsins og um hve langan tíma  
bannið skuli gilda. Bann nefndarinnar skal tilkynnt skriflega öllum forstöðu-  
mönnum í héraðinu, löggæzlumönnum öllum, svo og manni þeim, er banninu er  
beint gegn. Á meðan bannið gildir, ber forstöðumönnum samkomustaða og þjónustu-  
liði þeirra að vera samhent löggæzlumönnum um það að synja þeim mönnum,  
sem banni er beint gegn, um aðgang að skemmtunum þeim, sem haldnar eru, og  
það jafnt þótt þeir séu eigi undir áhrifum áfengis, er þeir æskja aðgangs.

#### 9. gr.

Kostnaður sá, er leiðir af framkvæmd þessarar reglugerðar greiðist að  $\frac{3}{4}$  úr  
ríkissjóði en að  $\frac{1}{4}$  úr viðkomandi sveitarsjóði (eftir atvikum úr bæjarsjóði), að  
því er laun aðallöggæzlumanna snertir. En laun aðstoðarmanna greiði aðili sá,  
er skemmtun heldur, að hálfu, en ríkissjóður að hálfu. Ríkissjóður kostar að öllu  
leyti einkennibúninga löggæzlumanna, einkennishúfur og merki, svo og fræðslu  
löggæzlumanna og aðstoðarmanna þeirra. Þá einnig ferðakostnað allan samkv. 5.  
grein.

Haldi utanhéraðsmaður eða félag skemmtun á samkomustað innan héraðs,  
getur sýslumaður (bæjarfógeti) krafizt þess, að sá aðili greiði hluta sveitarsjóðs  
(bæjarsjóðs) af kostnaði við eftirlit með skemmtuninni, og getur sýslumaður sett  
það sem skilyrði fyrir skemmtanaleyfi.

Reglugerð þessi, sem sett er samkvæmt 11. gr. laga nr. 50/1940 um lögreglu-  
menn, staðfestist hér með til að öðlast gildi þegar í stað.

*Í dóms- og kirkjumálaráðuneytinu, 13. júní 1960.*

**Bjarni Benediktsson.**

*Gústav A. Jónasson.*

## AUGLÝSING

um viðauka og breytingar á lyfsöluskrá II.

**102**

16. júní

Frá og með 18. júní 1960 ganga í gildi viðaukar og breytingar, útgefnar í dag,  
á lyfsöluskrá II frá 10. desember 1958.

*Í dóms- og kirkjumálaráðuneytinu, 16. júní 1960.*

F. h. r.

**Gústav A. Jónasson.**

*Ragnar Bjarkan.*

B 35